



70 kom til jordvernåret

Jord er viktigare enn nokon gong.

Det var hovudbodskapen som Svein Guldal frå Noregs Bondelag kom med til dei 70 som ikveld kom til jordvernåret i Helgheim. Og dette var hovudpunkta hans i eit føredrag som ga eit skremmande bilete av kva menneskeskapte klimaendingar er iferd med å føra til:

- * **Jord må haldast i god hevd**
- * **Nedbyggjing og omdisponering av dei beskjedne jordareala vi har må stoppast**
- * **All infrastruktur, nærings- og bustadarealar må utviklast på fjellgrunn**

Uskedal Utvikling og Uskedal Bondelag var saman om det vellukka arrangementet og UU-leiar Kristian Bringedal slo fast at året var eit ledd i arbeidet med arealstrategien for sentrum.

Han heldt fram at også jordvern er kulturvern og at jorda er sårbar. Uskedalen har freista å få til ei attraktiv bygd utifrå dei 3 b-ane Busetnad, Bedrift og Besøk. Og når det gjeld arealplanleggjing må målsetjinga framover vera heilskapelege løysingar og slutt på bit-for-bit-politikken.

Møteleiar Hans Reidar Kjærland peika på at mange unge bønder har etablert seg i bygda i den seinare tid og at jordvernet er særst viktig. På landsbasis er berre 3 prosent eigna som dyrka mark!

Guldal hadde ei rekkje døme på kva klimaendingane har ført til, til dømes lokale regnskyll på 150 millimeter på 2 timar og dei heftige brannane i Trøndelag på grunn av den turraste januar på 100 år. Føredragshaldaren trakk sæleg fram 2011 som eit ekstremår

Tekst, foto og NETT: Ola Matti Mathisen



Svein Guldal teikna eit skremmande bilete